



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ასურეთი

ასურეთი, სოფელი თეთრი წყაროს მუნიციპალიტეტში (ქვემო ქართლის რეგიონი), ქვემო ქართლის ბარის ჩრდ.-დას. ნაწილში. მდ. ასურეთისხევის (ალგეთის მარცხ. შენაკადი) მარჯვ. მხარეს. თემის ცენტრი (სოფლები: ა., ენაგეთი, შავსაყდარი). ზ. დ. 760 მ, თეთრი წყაროდან 18 კმ. 978 მცხ. (2014). სოფელში არის მინერ. წყარო.

1818-1924 ა-ს ერქვა ელიზავეტალი (წმ. ელისაბედის სახელის მიხედვით), რ-იც მას პირველმა გერმ. კოლონისტებმა (65 ოჯახი, 307 სული) უწოდეს.

ა-ის ჩრდ-ით, ასურეთისხევსა და მის შენაკადს შორის, გვიანდ. ნასოფლარის ნაშთები, რიყის ქვით ნაგები შენობები და საწნახელია. ნასოფლარის აღმ. ნაწილში მცირე ზომის ეკლესიის ნანგრევია.

---